

gramig sterbet und in d helle ersticket. Got beraub
euch euer macht und las; sie zu puluer zu stibē an zil
habt ein teüflisch wesen.

Des tods wider red das .vi. capitel.

Hin fuchs schlug ein schlaffendē lewē an den par-
ken darumb wart ym sey palck zurisse. Ein has; zw-
ackt ein wolff noch heut ist er zagellos; darumb ey
kaz krelt einē hünt d do schlaffē wolt. ymer müs; sie
des hündes veinschafft tragen. Also wlitu dich an
uns reibē. Doch glaub wir knecht knecht. here be-
leib here wir wollen beweisē. das wir recht wegē re-
cht richte und recht farn in d weelt. wir nymāts adel
schonē grosser küst nicht achte. keinerlei schon an se-
hen. gab lieb. leides. alders. iugent. und allerlei sach
nicht wegen. wir thū als die sun. die do scheint uber
gut unde pol; wir nemē gut und pol; in unsern ge-
walt. Alle meister die dy geist künen zwingē. müs; ē
ons ir geist antwurten und auff geben. Die pilwiz
und die zauberin. die künen vor uns nicht beleiben.
Sie hilff nicht das sie reitē auff den kruckē. das sie
reiten auff den pöcken. Die erzt die den leuten das le-
ben lengē. die müssen uns zu teil werdē. wūrz. kraut
salben. und allerlei apteken pulperei. hā sie nicht ge-
helffē. D solt wir alle y dē zweiu alten. vñ dē heuschre-
ken rechnūg thū. omb ir geschlecht. an der rechnūg
wurd sie nicht genugē. D solt wir durch auffaz. du-
rch lieb. oder durch leides willē. die leut lassen lebē. al-
ler d weelt keiser thū wern nū unser. Alle die künig